

29 MAY 2000

DR MAHATHIR RASMI FIESTA LANGKAWI PADA 31 MEI

LANGKAWI, 29 Mei (Bernama) -- Fiesta Langkawi 2000 sempena menyambut ulangtahun ke-10 Lembaga Pembangunan Langkawi (LADA) akan dirasmikan oleh Perdana Menteri Datuk Seri Dr Mahathir Mohamad pada 31 Mei ini di Kuah.

Timbalan Pengurus Besar Lada, Mohd Puat Mohd Ali, berkata Dr Mahathir juga akan melancarkan buku "The Legends Of Langkawi" karya Speaker Parlimen Tan Sri Mohamed Zahir Ismail pada majlis itu.

Beliau berkata sebanyak 18 acara disusun sempena fiesta itu dengan ada diantaranya telah bermula sejak 2 April lepas dan akan berakhir 28 Jun ini.

Antara acara yang akan berlangsung ialah Minggu Pengkisahan Mahsuri dari 30 Mei hingga 2 Jun yang memaparkan dokumentasi dan pementasan generasi Mahsuri, katanya kepada pemberita di sini.

Selain itu, Asean Kart Prix 2000 akan diadakan pada 3 dan 4 Jun.

-- BERNAMA

MZM NAK